

## 2 Tesalonika

### *Mériaŋ ac.*

<sup>1</sup> Paulo zéma Siliwano zéma Timoteo nini Anutu maŋgocnina zéma Miŋ Kewunina Yesu Kristoac qeriaiguc kecanzu Tesalonika hénaríŋ onac kiwi yomi oénécmiziŋ.

<sup>2</sup> Anutu maŋgocnina zéma Miŋ Kewunina Yesu Kristoac murunec ewa hia zéma luaenéŋ onac-muru hema kecmac.

### *Gésigési ai.*

<sup>3</sup> Ninzéŋ ninzéŋ dacmuna hécnina, neneŋ onac wamma nalé séc Anutu ewa hia ac wammima kecbiŋac hezac. Waŋu imuac niŋni sécgézac. Némac niŋ? Onac ninzéŋ ninzéŋgina imi yandima sécgéyu goi héihéi eŋac eŋac késa keczu iminéŋ yandianzac imuac mia imuhuc zézua.

<sup>4</sup> Waŋu unu nesi zéma zérabéra hénia hénia moczoŋ yanda imuac sugginaiguc naŋselima ninzéŋgéŋic imuac suruc imi Anutuac hénaríŋ ama séc keczu ionac neŋaoc meemma waŋ énécmianziŋ.

<sup>5</sup> Imuhuc wanní haka iminéŋ moczoŋ Anutuac niŋgésigési ai solañá imuac asé kiwiya wanzac. Waŋu nalé imuaru Anutunéŋ iniru solañá waŋŋic eŋeya héŋgaleŋ ama areŋa yanda imuaru kereŋ kereŋawac séc wammu niŋac ini qenzen manzen mihicŋi énécmigic keczu.

<sup>6</sup> Wañu qenzen manzen mihicji énécmimu imi onac qenzen manzenénéj kitiwa hiabia ku énécmimac.

<sup>7</sup> Wañu Anutunénéj solañu wanzac imuac mia qenzen manzen bisima kecanzu onac imi niniguc momacnec tacniniñ mihicji nénécmima bakia hiabia melen nénécmimac. Imuac Miñ Kewunina Yesunénéj eneya kua meme uñahéra kucginaguc iniguc momacnec kurumenéj igucnec

<sup>8</sup> geric bélaniguc wininimu nalé imuaru imi, Anutu ménda nimmizu i zéma Miñ Kewunina Yesuac buña suruc hiabia imi ménda niñtoho wañanzu i tasé zéra waiyaguc ku énécmimac.

<sup>9</sup> Ic imuhucya imi enej Miñ Kewuninawac kic tanera zéma iwac kuc edamuyaguc imuacnec elicgé énécmima taséginawac kisikiyon hémbénaña mihicji énécmiyu memu.

<sup>10</sup> Ini imi nonac héipuc ac énéc énézéya imi ninzénégéjic imuac niñac Yesu imi nalé imuaru iwac météré énécmimia zéma hénariñ ninzénégé migic ionac sugginaiguc nañu hémma mepési mima welicgé mimu niñac mama hamac.

<sup>11</sup> Imuac nini acguc nalé séc onac wamma zéwelec wammima yomuhuc zéanzin; Anutuninanéj onac niñu héihéré énécmiyec imuac sécya wañu nañgé énécmiyu haka hiabia hénia hénia imuac siña nimma ninzénéj ninzénéj aiya imi iwac kuhanéj meselimu.

<sup>12</sup> Wañu Anutunina zéma Miñ Kewunina Yesu Kristoac ewa hiaya niñac Miñ Kewunina Yesuac qaranénéj sugginaiguc eeyaguc wañu ini acguc iwac qeriaiguc eeginaguc wammu niñac zéwelec wañanzin.

## 2

### *Héna ac logima kekec.*

<sup>1</sup> Ninzéh ninzéh dacmuna hécnina, Miñ Kewunina Yesu Kristoac mama hahaya zéma iwac wésiaiguc neñañ hénaorin imuac ara mēj énézeni niñgic.

<sup>2</sup> Biañac ara me zéauau me kiwi nonarunec zézéya imuaru koroma Miñ Kewuninawac nalé yanda imi hazac zégic ewa qerigina qekez qeha ménda wamma ménda aurimu.

<sup>3</sup> Méñnéñ mēj ikoc ac imuhuc me imuhuc zéyu keñhéi hahéi ménda wammu. Ac qeçe haka zéma héna ac logilogi ic, kisikiyoñac merac mēj hicñiyuguc nalé tetcgia hamacac hezac.

<sup>4</sup> Inéh mia hazéc ai meanzac. Inéh anutu zéénéc énécmia zéma tosara mepési énécmianzu ionac sugginaiguc onogicma eñeyanec ou nañ kecma Anutuac ocmuñiguc tacma eñeya ézéamuyu héngic, ni imi Anutu zémac.

<sup>5</sup> Ni iniguc kerin nalé imuaru ac imuhucya énézéyi imi ménda niñqelizu me?

<sup>6</sup> Eñeya naléya ducñiyu hicñimac niñac deguc imi neuj héimiyu keczac.

<sup>7</sup> Wañu ac qeçe miñinawac kuc sañanéñ bec aiya mema keczac, néñ neuj héimimianéh imuhuc wamma keñkeru nalé wañuguc héna namuñ a igucnec wagiru neuña qahac wammac.

<sup>8</sup> Qahac wañu imuaru mia ac qeçe miñina iminéñ wininimac. Wañu Miñ Kewunina Yesunéh eñeya kua wéséséyanéh ic biria imi qeyu humumac. Wañu mama wininiyu, mama ha-

haya imuac edamuyanéh imuhucya imi moczon mebiri énécmidacmac.

<sup>9</sup> Ic biriawac hahaya imi Biria miñinawac ai méndacma kuc hénia hénia zéma séséc hénia hénia zéma kiwi méréra ikora zéma

<sup>10</sup> wawañ meme biriawac haka ikoranéh humucac buña ionac muru hama hicñi énécmimac. Némac niñ ieneñ imi mehiaru énécmimac niñ ménda wamma ac hélawac goi héihéiya imi ménda aṅgétigic imuac mia imuhuc hicñi énécmimac.

<sup>11</sup> Imuac niñ Anutunéh wai énécmiyu ikoc kuhaguc imuhucyanéh sugcinaiguc aiya meyu iwawai ikora imi ninzéhéanzu.

<sup>12</sup> Wañu imi mia ac héla ménda ninzéhégema haka biriawac siña nimma kecanzu séc kápésic ginaguc zéénécmimia wammac.

<sup>13</sup> Miñninawac siñniñ wañ énécmimia, ninzéh ninzéh dacmuna hécnina, Uña téréyanéh météré énécmiyu ac héla imi ninzéhégic mehiaru énécmimac niñac Anutunéh hénihénia igucnec énépésiyec. Hénia imuac niñac nini nalé séc onac wamma niñni sécgéyu Anutu ewa hia ac ézéwiñac hezac.

*Ini gési énécmiyu aṅgéh titiac buña wanzu.*

<sup>14</sup> Imuac mia Miñ Kewunina Yesu Kristoac edamuya imi eñ énécmiyu késamu niñac inéh buña suruc hiabia nonarunec hahaya imi énézéma héihéré énécmiyec.

<sup>15</sup> Imuac niñac ninzéh ninzéh dacmuna hécnina, selianec nañselima ackuazéc

kuaninanéñ zézéya me kiwininanéñ ku énécmiyiñ mératéc buña imi niñtoho wammu.

<sup>16</sup> Miñ Kewunina Yesu Kristo zéma goi héihéi wañ nénécmima meme seli ac tetcgia qahac zéma niñkumu hiabia imi ewa hiawac eñ nénécmiyec Anutu mañgocnina iereñ

<sup>17</sup> onac ewa qerigina meseli énécmima wawañ meme hiabia hénia hénia zéma acginaiguc meseli énécmimaoc niñac wanziñ.

### 3

#### *Zéwelec welecac ai énécmigic.*

<sup>1</sup> Ninzéñ ninzéñ dacmuna hécnina, tetcgiawac énézeni niñgic. Ini nonac niñ wamma yomuhuc zéwelec wammu; Miñ Kewuninawac ackuazécnéñ onac suginaiguc ai meyec ésécnecc foc foc saima kemma ee héihéiyaguc wammac.

<sup>2</sup> Wañu ic zipiliñ zapalaña zéma biria meme ic ionac murunec metecgé nénécmimac niñac zéwelecmu. Ninzéñ ninzéñ imi baec ic moczoñ ionac buña qahac, néñ momac momacnéñ késa keczu imuac niñac imuhuc zézua.

<sup>3</sup> Miñ Kewunina imi ménzé ménzéya qahac, imuac meseli énécmima ic biriawac muru galenñ memac.

<sup>4</sup> Onac imi Miñ Kewuninawac qeriaiguc yomuhuc zéma ninzéñgézñ; Ini zéseli énécmiziñ imi niñtoho wamma emma kecmu.

<sup>5</sup> Miñninanéñ onac ewa qerigina qindiñi énécmiyu Anutuac goi héihéi zéma Kristoac nañseli seliiguc keremmu.

*Qéizéñ wamma kecbu niñac  
goro ac wañ énécmigic.*

<sup>6</sup> Ninzéhñ ninzéhñ dacmuna hécnina, Miñ Kewunina Yesu Kristoac qaraiguc yomuhuc zéseli énécmiziñ; Sicsaoc wamma mératéc haka nonac murunec niñareñgégic imi ménda tohoanzu ionac murunec néngacmu.

<sup>7</sup> Haka silic wañanziñ imi dimuhuc méndacma wammu imi ini eñac nindaczu. Nini onac sugginaiguc qéizéñ ménda wamma kerinñ.

<sup>8</sup> Wañu nini onac muru méñac méñ réwéri ménda mihicñi énécmiwiñ niñac, onac murunec yaka boñtegic méñ ménda mema neyiñ, néñ méraninanéñ siñi kaiwe séc ai selianec meaniñ.

<sup>9</sup> Imi mia imuhuc wambiñ niñac qac buña ménda zé nénécmiyecac qahac, néñ onac muru haka séséha wamma énézéni ninicma méndac nénécmimu niñac imuhuc wañanñ.

<sup>10</sup> Nini iniguc momacnec kerinñ nalé imuaru acguc yomuhuc zéseli énécmiyiñ; Méñnéñ méñ ai memeyawac mézégina tizaciguc nene ménda nematic.

<sup>11</sup> Néñ yomuhuc zégic niñiñ; Onac sugginaiguc tosananéñ mézétiti wamma kecma ai méñ ménda mema eñ keñha wamma acnéñ réwéri sasala mihicñianzu.

<sup>12</sup> Ic imuhucya imi zéseli énécmima Miñ Kewunina Yesu Kristoac qeriaiguc zéñanñgé énécmima yomuhuc zéziñ; Acgina qaiyu ai mema eñanñ nene mihicñima nemu.

<sup>13</sup> Ninzéhñ ninzéhñ dacmuna hécnina, ini haka hiabia wamma kecma ewa qerigina qeka meka ménda wammu.

<sup>14</sup> Méñnéñ méñ kiwi yomuaru ackuazéc wañ énécmiziñ imi ménda niñtohoju ic imuac hénia zéhicñima qéqéhéréñ ménda wammigic gamuya nimmac.

<sup>15</sup> Wañu iwac mia niñgic hazécgina ésécnec ménda wammac, néñ dacmuna ésécnec wañu zénañgé mimu.

*Ac tetecgia.*

<sup>16</sup> Luaeac Miñ Kewunina eñeyaoc nalé zéma aigina séc onac muru luae qeénécmimac niñac wanziñ. Miñnina imi momac yanda iniguc momacnec kecmac.

<sup>17</sup> Ni Paulonéñ mérananéñ oma yai zézégina zézua. Imi mia kiwi imi nuarunec hahaya imi héñtegicmu niñac asé kiwina yomuhuc oanzua.

<sup>18</sup> Neñañ Miñ Kewunina Yesu Kristoac ewa hianéñ ic tuñ onac muru hema kecmac.

**SISIPAC AC QELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665